

Izveštaj o radu MUP-a Kantona Sarajevo za period januar-juni 2016. godine

1. KRIMINALITET

Kriminalitet na području Kantona Sarajevo u periodu Januar – Juni 2016. godine u odnosu na isti period prethodne godine, posmatrano kroz statističke pokazatelje, karakteriše smanjenje broja registrovanih krivičnih djela za 14,8%, prijavljenih lica za 18,2%, povratnika u činjenju krivičnih djela za 26,3% i lica lišenih slobode za 35,3%, dok je povećan broj maloljetnika za dva ili 4,7%. Ukupna rasvijetljenost krivičnih djela u odnosu na uporedni period, smanjena je za 2,2%.

STATISTIČKI PRIKAZ KRIMINALITETA

U prvom polugodištu 2016. godine, registrovano je 2.439 krivičnih djela, što je za 424 djela ili 14,8% manje nego u prvom polugodištu 2015. godine.

U 879 slučajeva (36% od ukupnog broja krivičnih djela), krivična djela su izvršena od strane poznatih izvršilaca i izvršilaca zatečenih u činjenju krivičnog djela, a 1.560 krivičnih djela (ili 64%), prijavljeno je po nepoznatom izvršiocu, od kojih je 685 naknadno rasvijetljeno (ili 43,9% od ukupnog broja prijavljenih djela po nepoznatom izvršiocu).

Tokom izvještajnog perioda ukupno su rasvijetljena 1.564 krivična djela ili 64,1% što je za 2,2% manje u odnosu na uporedni period.

Za izvršenje navedenih djela prijavljeno je 1.195 lica, od kojih je 725 povratnika u činjenju krivičnih djela (ili 60,7% prijavljenih), a 457 lica je lišeno slobode (ili 38,2%). U odnosu na uporedni period manji je broj prijavljenih lica za 265 (ili 18,2%), povratnika za 259 (ili 26,3%) i lica lišenih slobode za 249 (ili 35,3%), dok je povećan broj maloljetnih izvršilaca krivičnih djela za dva (ili 4,7%).

Uporedni pokazatelji stanja kriminaliteta na području Kantona Sarajevo u periodu Januar – Juni 2016/15. godine prema glavama Krivičnog zakona FBiH-a i BiH-a

KRIVIČNA DJELA	Januar- Juni 2016.	Januar – Juni 2015.	uporedba		„rasvijetljenost“ Januar-Juni 2016.	
			+/-	%	broj KD	% rasvj.
Protiv života i tijela	72	74	-2	-2,7%	71	98,6%
Protiv slobode i prava čovjeka i građanina	85	75	10	13,3%	83	97,6%
Protiv spolne slobode i morala	3	20	-17	-85,0%	3	100%
Protiv braka, porodice i mladeži	117	135	-18	-13,3%	117	100%
Protiv zdravlja ljudi	143	166	-23	-13,9%	143	100%
Protiv privrede, poslovanja i sigur.plat. pro.	13	6	7	116,7%	13	100%
Iz oblasti poreza	1	0	1	---	1	100%
Protiv imovine	1.717	2.039	-322	-15,8%	873	50,8%
Protiv okoliša, poljoprivrede i prirod. dob.	5	3	2	66,7%	4	80%
Protiv opće sigurnosti ljudi i imovine	53	89	-36	-40,4%	32	60,4%
Protiv sigurnosti javnog prometa	44	50	-6	-12%	42	95,5%
Protiv pravosuđa	17	21	-4	-19%	17	100%
Protiv javnog reda i pravnog prometa	113	121	-8	-6,6%	109	96,5%
Protiv podmićivanja i krivična djela protiv službene i druge odgovorne funkcije	15	9	6	66,7%	15	100%
Protiv privrede i jedinstva tržišta te KD iz oblasti carina (KZ BiH)	1	2	-1	-50%	1	100%
Zakon o nabavljanju, držanju i nošenju oružja i municije (Sl.novine Kantona Sarajevo br. 38/07)	40	53	-13	-24,5%	40	100%
UKUPNO	2.439	2.863	-424	-14,8%	1.564	64,1%

KRIVIČNA DJELA PROTIV ŽIVOTA I TIJELA

U prvom polugodištu 2016. godine prijavljena su 72 krivična djela protiv života i tijela (dva manje u odnosu na uporedni period).

Zbog postojanja osnova sumnje da su počinili djela iz ove oblasti podneseni su službeni izvještaji protiv 79 lica (11 manje), od kojih je 35 povratnika ili 44,3%, a 29 je lišeno slobode (11 manje).

Evidentirana su slijedeća krivična djela: - ubistvo iz člana 166. KZFBiH-a – jedno djelo (tri manje), ubistvo u pokušaju – sedam (tri više), teška tjelesna ozljeda – 36 (šest više), lahka tjelesna ozljeda – 21 (12 manje), učestvovanja u tuči – šest djela (tri više) i teške tjelesne povrede - pomaganje - jedno djelo (nijedno).

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 85 djela (10 više) i to: - ugrožavanje sigurnosti – 79, protupravno lišenje slobode i narušavanje nepovredivosti doma - po tri djela, a zbog izvršenja navedenih djela prijavljena su 82 lica od kojih je 50 povratnika u činjenju krivičnih djela (ili 61%), a 20 je lišeno slobode.

Sva djela ugrožavanja sigurnosti počinjena su upućivanjem verbalnih prijetnji, pisanih - prijetećih poruka i sl., bez težih posljedica po oštećena lica.

Uporedni pokazatelji broja registrovanih krivičnih djela ugrožavanje sigurnosti iz člana 183.KZ FBiH-a po mjesecima u prvom polugodištu 2016/15. godine

Ugrožavanje sigurnosti (član 183. KZ FBiH-a)	Januar	Februar	Mart	April	Maj	Juni	Januar –Juni 2016/15.god.
Januar – Juni 2016. godina	16	12	21	10	10	10	79
Januar – Juni 2015. godina	13	8	14	15	8	12	70
<i>uporedba (+/-)</i>	3	4	7	-5	2	-2	9

KRIVIČNA DJELA PROTIV SPOLNE SLOBODE I MORALA

Iz oblasti krivičnih djela protiv spolne slobode i morala evidentirana su tri djela (17 manje) i to: silovanje, iskorištavanje djeteta ili maloljetnika radi pornografije i rodoskrvnuće - po jedno djelo. Zbog postojanja osnova sumnje da su počinili djela iz ove oblasti podneseni su službeni izvještaji protiv tri lica, a jedno je lišeno slobode.

KRIVIČNA DJELA PROTIV BRAKA, PORODICE I MLADEŽI

U ovoj oblasti registrovano je 117 krivičnih djela (18 manje) i to: nasilje u porodici - 111 djela, izbjegavanje izdržavanja - tri, oduzimanje djeteta ili maloljetnika - dva i zapuštanje ili zlostavljanje djeteta ili maloljetnika - jedno djelo. Službeni izvještaji podneseni su protiv 117 lica od kojih je 70 povratnika ili 59,8%, a 55 je lišeno slobode.

Uporedni pokazatelji broja registrovanih krivičnih djela nasilje u porodici iz člana 222. KZ FBiH-a po mjesecima u prvom polugodištu 2016/15. godine

Nasilje u porodici (član 222. KZ FBiH-a)	Januar	Februar	Mart	April	Maj	Juni	Januar – Juni 2016/15.god.
Januar – Juni 2016. godina	9	21	22	19	18	22	111
Januar – Juni 2015. godina	19	29	28	25	13	20	134
<i>uporedba (+/-)</i>	-10	-8	-6	-6	5	2	-23

KRIVIČNA DJELA PROTIV ZDRAVLJA LJUDI

U oblasti krivičnih djela protiv zdravlja ljudi, podneseni su službeni izvještaji protiv 154 lica (24 manje), od kojih je 86 povratnika (ili 55,9%), a zbog postojanja osnova sumnje da su počinili 143 krivična djela (23 manje) i to:

- neovlašćena proizvodnja i stavljanje u promet opojnih droga – 11 djela (17 manje)
- posjedovanje i omogućavanje uživanja opojnih droga – 131 djela (sedam manje),
- nesavjesno liječenje - jedno djelo (nije bilo ovih djela u uporednom periodu).

Policijski službenici Uprave policije su Kantonalnom tužilaštvu Sarajevo podnijeli službene izvještaje protiv ukupno 24 lica zbog postojanja osnova sumnje da su u proteklom periodu neovlašćeno proizvodili, zatim kupovali opojnu („Amfetamin“, „Marihuana“, „Heroin“, itd.) od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), te protiv 129 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga („Marihuana“, „Heroin“, „Ecstasy“, itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

Zbog zloupotrebe opojnih droga 77 lica je lišeno slobode (40 manje).

Pregled oduzete opojne droge u prvom polugodištu 2016/15. godine

VRSTA OPOJNE DROGE	JANUAR-JUNI 2016. GODINE	JANUAR-JUNI 2015. GODINE
Marihuana (u gramima)	115,8	16.705,82
Marihuana (paketići)	216	186
Marihuana (JOINT - cigarete)	3	2
Heroin (paketići)	42	17
Heroin (u gramima)	---	10.355,00
Amfetamin (paketići)	40	75
Amfetamin (u gramima)	64,20	1.573,00
Kokain (paketići)	1	---
Ecstasy (tablete)	83	137
Cannabis – stabljika (kom.)	1	30
Cannabis – sjeme (kom.)	3	---
pribor sa ostacima droge (komada)	11	38

S ciljem pronalazjenja narkotičkih sredstava ispitano je i saslušano 110 lica (25 više), izvršen pregled 59 lica (31 manje), 27 stambenih objekata (pet manje) i većeg broja automobila po usmenim naredbama Opštinskog suda u Sarajevu.

RIVIČNA DJELA PROTIV PRIVREDE, POSLOVANJA I SIGURNOSTI PLATNOG PROMETA

Iz oblasti krivičnih djela protiv „privrede“ registrovano je 13 krivičnih djela (sedam više) i to: obmana pri dobijanju kredita i drugih pogodnosti u sačiniteljstvu - osam djela obmana pri dobijanju kredita i drugih pogodnosti - tri, prijevara u privrednom poslovanju i zloupotreba ovlasti u privrednom poslovanju - po jedno djelo za čije je izvršenje je prijavljeno 15 lica.

Takođe, od strane službenika Odjeljena za privredni kriminal tokom prvih šest mjeseci 2016. godine, zadokumentovana su i krivična djela koja su u vezi sa „privrednim kriminalom“, a svrstana su u druge Glave KZFBiH-a i KZ BiH-a i to:

zloupotreba položaja ili ovlašćenja i krivotvorenje isprave - po sedam djela, ovjeravanje neistinitog sadržaja i zloupotreba osiguranja - po četiri, pronevjera u službi, prijevara i nesavjestan rad u službi - po dva djela, itd., a koja su prijavljena u prvom polugodištu 2016.godine, nastupila je materijalna šteta za pravna lica u iznosu od 481.265,09 KM i za fizička lica u iznosu 25.000,00 KM, što zanači da **ukupna materijalna šteta iznosi 506.265,09 KM.** (što je za 138.739,56 KM više)

KRIVIČNA DJELA PROTIV IMOVINE

U oblasti krivičnih djela protiv imovine registrovano je 1.717 krivičnih djela što je za 322 ili 15,8% manje u odnosu na uporedni period.

Najbrojnija djela iz ove oblasti su: teške krađe – 1.028 (164 manje), krađe – 215 (82 manje), razbojništvo – 290 (pet manje), oštećenje tuđe stvari – 57 (35 manje), prijevara – 26 (pet manje), utaja – 26 (11 manje), teška krađa u pokušaju – 19 (17 manje), prikrivanje – 16 (isti broj djela), itd.

Zbog izvršenja navedenih djela prijavljeno je 458 lica od kojih je 336 povratnika u činjenju krivičnih djela (ili 73,4%), a 159 je lišeno slobode.

Za ukupno 873 djela ili 50,8% identifikovani su osumnjičeni izvršioc, što je u odnosu na isti period prethodne godine, smanjenje za 3,5%.

Objekti napada pri vršenju krivičnih djela protiv imovine najčešće su bila motorna vozila (otuđenja pmv i “provale” u ista) - 483 puta (29 manje), stambeni objekti – 336 (dva manje), poslovni prostori i prodavnice – 166 (111 manje), itd., pri čemu su otuđivana motorna vozila, novac, nakit, tehnička roba, cigarete, prehrambeni proizvodi, građevinski materijal, itd.

U prvi šest mjeseci ove godine na području Kantona Sarajevo izvršeno je 371-no krivično djelo teških krađa motornih vozila, od čega su 103 ili 27,8% vraćena (od strane policije MUP Kantona Sarajevo vraćeno je 35 vozila, MUP RS-a – osam, drugih MUP-ova – četiri, za novac su vraćena - tri i 53 vozila vlasnici su sami pronašli).

U odnosu na uporedni period broj otuđenih vozila neznatno je povećan za sedam ili 1,9%.

Zbog postojanja osnova sumnje da su učestvovali u izvršenju otuđenja motornih vozila na području Kantona Sarajevo, nadležnom tužilaštvu podneseni su službeni izvještaji protiv 26 lica (tri više) od kojih je 19 povratnika (ili 73,1%).

Na području Kantona Sarajevo u prvom polugodištu ove godine registrovano je 290 djela razbojništva (pet manje).

Razbojništva su počinjena u prodavnicama i drugim poslovnim prostorima - 131 puta (13 manje), u sportskim kladionicama – 42 (43 manje), na ulici – 75 (pet više), itd.

Navedena djela izvršena su prijetnjom upotrebe vatrenog oružja – 113 puta (26 manje), prijetnjom i upotrebom noža ili drugog oštrog predmeta (komad stakla, šrafčiger i sl.) – 116 (23 više) i upotrebom fizičke snage – 61 put (dva manje). Otuđivan je novac, mobiteli, zlatni nakit, motorna vozila, itd.

Ukupno je rasvijetljeno 138 ovih djela ili 47,6% što je za 4,6% manja rasvijetljenost ovih djela u odnosu na isti period 2015. godine.

Broj teških krađa na naročito opasan ili naročito drzak način u periodu Januar-Juni 2016. godine u odnosu na uporedni period smanjen je za 16 ili 18,2%. Naime, evidentirana su 72 ova djela u kojima su izvršioc, upotrebom fizičke snage – 53 puta, te verbalnom prijetnjom u 19 slučajaja, otimali mobitele, nakit i novac.

Za izvršenje ovih oblika teških krađa, prijavljena su 22 lica, od kojih je 20 povratnika (ili 90,9%), a 10 je lišeno slobode. Ukupno je rasvijetljeno 45 ili 62,5% ovih djela (1,1% manje).

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirana su 53 djela (36 manje) i to: izazivanje opće opasnosti – 42 djela, nesavjesno čuvanje pasa i drugih opasnih životinja - devet, teška krivična djela protiv opće sigurnosti ljudi i imovine i izazivanje opće opasnosti u pomaganju - po jedno djelo.

Krivična djela izazivanja opće opasnosti izvršena su 33 puta na otvorenom prostoru i po tri puta u ugostiteljskom, stambenom i poslovnom objektu. U 11 slučajeva pucano je iz vatrenog oružja, 25 puta je otvorenim plamenom izazvan požar i u šest slučajeva aktivirana je nepoznata eksplozivna naprava. Posljedica izvršenja navedenih djela je ranjavanje četiri lica, nastala materijalna šteta i uznemirenost građana.

Zbog postojanja osnova sumnje da su počinili ova djela nadležnom tužilaštvu podneseni su službeni izvještaji protiv 29 lica, od čega je 19 povratnika, a 13 je lišeno slobode.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 113 krivičnih djela (osam manje) i to: nasilničko ponašanje - 46 djela, krivotvorenje isprave – 19, nedozvoljeno držanje oružja ili eksplozivnih materija – 16, napad na službenu osobu u vršenju poslova sigurnosti – 15, lažno predstavljanje - pet, sprečavanje službene osobe u vršenju službene radnje i ovjeravanje neistinitog sadržaja – po četiri, itd.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 125 lica, od kojih je 66 povratnika ili 52,8%, a 53 su lišena slobode.

KRIVIČNA DJELA POČINJENA OD STRANE MALOLJETNIH LICA

U periodu Januar-Juni 2016. godine **prijavljeno je 45 maloljetnika** zbog postojanja osnova sumnje da su **izvršili 99 krivičnih djela**. U poređenju sa istim periodom 2015. godine, broj krivičnih djela za čije izvršenje su prijavljena maloljetna lica **povećan je za 32 ili 47,8%, a povećan je i broj prijavljenih maloljetnih izvršilaca** ovih djela i to za **dva ili 4,7%**.

Pregled broja maloljetnih izvršilaca krivičnih djela za period Januar-Juni 2016.. godine, prema starosnoj strukturi

Starosna dob maloljetnika	do 14 god.	od 14 do 16 god.	od 16 do 18 god.	ukupno
Broj maloljetnih izvršilaca	2	21	22	45

Među maloljetnim izvršiocima krivičnih djela, 23 su u dobi do 16 godina, a 22 u dobi između 16 i 18 godina, dok je povratnika u izvršenju krivičnih djela bilo 15 (ili 33,3%).

Najbrojnija krivična djela za čije izvršenje su prijavljeni maloljetnici su djela **protiv imovine - 85 (ili 85,9%)**, pri čemu prevladavaju **razbojništva (37)** i **teške krađe (20)**. Karakteristično je da je u odnosu na isti period prošle godine, znatno povećan broj teških krađa i razbojništava.

Pored toga, policijski službenici su podnijeli šest službenih izvještaja protiv maloljetnih lica zbog osnova sumnje da su izvršili krivično djelo ubistvo u pokušaju (1), nanošenje teške tjelesne povrede (4) i nanošenje lahke tjelesne povrede (1), te pet službenih izvještaja zbog nasilničkog ponašanja.

Pregled registrovanih krivičnih djela izvršenih od strane maloljetnih lica
u periodu Januar-Juni 2016/2015. godine

Naziv krivičnog djela	Jan.-Juni 2016.	Jan.-Juni 2015.	+ - %
Ubistvo u pokušaju	1		
Teška tjelesna povreda	4	3	+33,3
Lahka tjelesna povreda	1	2	-50,0
Ugrožavanje sigurnosti	1	1	0,0
Silovanje		1	-100,0
Prinuda na spolni odnošaj		1	-100,0
Bludne radnje		1	-100,0
Iskorišćavanje djeteta ili maloljetnika radi pornografije		1	-100,0
Nasilje u porodici	1	4	-75,0
Posjedov. i omoguć. uživanja opoj. droga		4	-100,0
Krađa	5	9	-44,4
Teška krađa	20	4	+400,0
Teška krađa-pokušaj	7		
Teška krađa na naroč. opasan ili naročito drzak način	10	12	-16,7
Razbojnička krađa	1		
Razbojništvo	37	14	-50,0
Razbojništvo- pokušaj		2	-100,0
Oštećenje tuđe stvari	2	1	+100,0
Iznuda	3		
Izazivanje opće opasnosti	1	1	0,0
Nesavjesno čuvanje pasa i dr. opasnih životinja		1	-100,0
Nasilničko ponašanje	5	4	+25,0
Nasilničko ponašanje-produženo krivično djelo		1	-100,0
ukupno	99	67	+47,8

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U periodu Januar-Juni 2016. godine na području Kantona Sarajevo registrovano je osam slučajeva aktiviranja minsko-eksplozivnih sredstava (sedam ili 46,7% manje u odnosu na isti period 2015. godine) koji su za posljedicu imali smrt jednog lica (samoubistvo), te materijalnu štetu na stambenim i poslovnim objektima, kao i na putničkim vozilima. U pet slučajeva su učinioci poznati, a u ostalim slučajevima se preduzimaju aktivnosti na identifikaciji učinilaca.

U proteklih šest mjeseci registrovana je jedna anonimna dojava o postavljenoj eksplozivnoj napravi (četiri u uporednom periodu), a odnosila se na Univerzitet Burch na Ilidži. Nakon KDZ pregleda utvrđeno je da je dojava bila lažna. Postoje osnovi sumnje da je dojavu uputilo lice M.A. (1989.).

POŽARI

Tokom prvog polugodišta 2016. godine, na području Kantona Sarajevo registrovano je 69 požara (40 manje), u kojima je šest lica lakše povrijeđeno.

Prema statističkim pokazateljima, 34 požara su izazvana namjerno, sedam zbog tehničkih nedostataka, četiri su prouzrokovana nehatom, dok uzroci 24 požara spadaju u kategoriju ostalih.

SAMOUBISTVA

U periodu januar – juni 2016. godine, na području Kantona Sarajevo registrovano je 16 samoubistava (dva više), izvršenih na sljedeće načine: vješanjem – osam puta, skakanjem sa visine – četiri puta, upotrebom vatrenog oružja – dva puta, aktiviranjem eksplozivne naprave – jednom i presijecanjem vena – jednom.

Prema spolu, izvršioi su 10 muškaraca i šest žena. Muškarci su sljedeće starosne dobi: 30, 39, 50, 59, 76 i 82 godine – po jedno lice, 52 i 69 godina – po dva lica. Starosna dob žena je sljedeća: 29, 42, 51, 53, 58 i 76 godina.

JAVNI RED I MIR

Zbog raznih oblika narušavanja javnog reda i mira policijski službenici su u periodu Januar-Juni 2016. godine uručili, odnosno podnijeli ukupno **3.344** prekršajnih **naloga i zahtjeva** za pokretanje prekršajnog postupka (naloga – 2.812, zahtjeva - 532), što u odnosu na prvo polugodište 2015. godine predstavlja **povećanje za 244 ili 7,9%**. Prekršajne sankcije preduzete su **protiv 3.464 lica (173 ili 5,3% više)**.

Od ukupnog broja prekršajnih sankcija, 3.015 ili 90,2% odnosi se na prekršaje utvrđene Zakonom o prekršajima protiv javnog reda i mira, a 329 ili 9,8% na prekršaje utvrđene Odlukom općinskih vijeća o javnom redu i miru.

Na povratnike u izvršenju prekršaja odnose se 632 ili 18,9% naloga i zahtjeva, 20 na maloljetna lica i 12 na strane državljane.

S obzirom na starosnu strukturu lica protiv kojih su u prvom polugodištu ove godine preduzete prekršajne sankcije (ukupno 3.464), najveći broj je onih starosne dobi preko 36 godina (1.966), zatim starosti između 26 i 35 godina (863) i između 19 i 25 godina (607), dok je maloljetnih učinilaca prekršaja bilo 28.

Prilikom narušavanja javnog reda i mira u periodu Januar-Juni 2016. godine, u slučajevima kada se radilo o prekršajima, jedno lice je teže povrijeđeno (u prvom polugodištu 2015. godine nijedno), dok su lakše povrijeđena 93 lica (56 ili 37,6% manje).

Najveći broj prekršajnih sankcija koje su imali službenici policijskih stanica Centar, Stari Grad i Novo Sarajevo odnosi se na prekršaje učinjene prosjačenjem, što je rezultat pojačanih aktivnosti na suzbijanju ovog oblika narušavanja javnog reda i mira, koje je najizraženije na području navedene tri općine, posebno u vrijeme turističke sezone, vjerskih i drugih manifestacija

Prema strukturi prekršaja iz oblasti javnog reda i mira, **najbrojnija su prosjačenja-1.938** (ili 58% od ukupnog broja); zatim **odbijanje naređenja i omalovažavanje policijskih službenika – 250** (ili 7,5%), **naročito drsko ponašanje – 247** (ili 7,4%) i **tuče – 217** (ili 6,5%). Znatno manje prekršaja učinjeno je svađom, vikom i nepristojnim ponašanjem – 55; neovlaštenom upotrebom oružja – jedan, paljenjem petardi – jedan, te uživanjem opojne droge na javnom mjestu – pet. Zbog svih ostalih prekršaja preduzeta je 301 sankcija. Preostalih 329 prekršaja regulisani su Odlukom općinskih vijeća.

Tabelarni pregled strukture prekršaja iz oblasti javnog reda i mira za period Januar-Juni 2016/2015.godina

Vrsta prekršaja	Broj prekršaja		razlika + - %	Učinioci		
	6mj. 2016.	6mj. 2015.		Ukupno	Maloljetnici	Povratnici
Tuče	217	255	-14,9	287	16	8
Naročito drsko ponašanje	247	265	-6,8	287	3	4
Odbijanje naređenja i omal. pol. sl.	250	193	+29,5	250	3	7
Svađa, vika, nepristojno ponašanje	55	47	+17,0	58		2
Uživanje opojne droge na j. mjestu	5	3	+66,7	5	1	
Neovlaštena upotreba oružja	1	1	0,0	1		
Paljenje petardi	1	11	-90,9	1		
Prosjačenje	1.938	1.780	+8,9	1.938		583
Ostali prekršaji iz Zakona o JRiM	301	316	-4,7	308	5	12
Prekršaji prema odluci općin. vijeća	329	229	+43,7	329		16
UKUPNO	3.344	3.100	+7,9	3.464	28	616

U odnosu na isti period 2015. godine, povećan je broj prekršajnih sankcija zbog prekršaja učinjenih odbijanjem naređenja i omalovažavanjem policijskih službenika, zbog svađe i vike, uživanja droge na javnom mjestu, prosjačenjem, te ostalih prekršaja, dok je broj svih ostalih vrsta prekršaja smanjen.

Prema mjestu izvršenja, najveći broj prekršaja učinjen je na **ulici i na drugim otvorenim prostorima- 3.089** (ili 92,4%), a znatno manje u ugostiteljskim objektima- 120 (ili 3,6%), na sportskim terenima – 16, školama i školskim dvorištima-10, trgovinskim radnjama – pet, vozilima javnog saobraćaja – tri, te na ostalim mjestima – 101 prekršaj.

U odnosu na isti period 2015. godine, u proteklih šest mjeseci smanjen je broj prekršaja kojima se narušava javni red i mir u ugostiteljskim objektima, vozilima javnog saobraćaja, u školama, trgovinskim radnjama i na ostalim mjestima dok je broj prekršaja izvršenih na ulici i drugim otvorenim prostorima povećan. Broj prekršaja izvršenih na sportskim terenima ostao je isti.

Pored prekršajnih sankcija zbog prekršaja izvršenih u školama i školskim dvorištima, policijski službenici su zbog krivičnih djela izvršenih na ovom lokalitetu, nadležnom tužilaštvu podnijeli **pet službenih izvještaja** (u istom periodu 2015. godine devet) i to zbog krivičnih djela: nanošenje teške tjelesne povrede-dva, krađa-dva i iznuda-jedan.

Policijski službenici su u proteklih šest mjeseci 2016. godine učestvovali u osiguranju 1.093 javna skupa koji su održani na području Kantona Sarajevo (317 ili 40,9% više u odnosu na isti period 2015. godine), a u 208 slučajeva izvršeno je KDZ osiguranje ovih skupova (62 ili 42,5% više). Preduzimane su planske i organizovane aktivnosti kako bi svi skupovi, kao što su sportske, kulturne, vjerske i druge manifestacije, protestna okupljanja građana, kao i skupovi kojima se obilježavaju događaji iz prošlosti, protekli bezbjedno.

SAOBRAĆAJ

Tokom prvog polugodišta 2016. godine, stanje sigurnosti saobraćaja karakteriše povećanje ukupnog broja saobraćajnih nezgoda, nezgoda sa materijalnom štetom i nastradalim licima, te broja nastradalih lica.

Registrovane su 5.582 saobraćajne nezgode (155 ili 2,8 % više), 5.161 sa materijalnom štetom (145 ili 2,9 % više) i 421 sa nastradalim licima (10 ili 2,4 % više).

U saobraćajnim nezgodama na području Kantona Sarajevo 603 lica su nastradala (42 ili 7,5 % više). Deset lica je poginulo (tri ili 42,8 % više), dok su 593 lica povrijeđena (39 ili 7 % više), 91 teže i 502 lakše.

Među poginulim licima evidentirano je pet vozača (dva više) i pet pješaka (jedan više).

Od ukupno 593 povrijeđena lica, 274 su vozača (42 više), putnika – 187 (isto) i pješaka - 132 (tri manje). Kada je u pitanju stepen povreda, 26 vozača je teže, a 248 lakše povrijeđeno, 12 putnika je teže, a 175 lakše povrijeđeno, dok su 53 pješaka teže i 79 lakše povrijeđena.

U naselju je registrovano 5.228 saobraćajnih nezgoda (osam sa poginulim, 379 sa povrijeđenim licima i 4.841 sa materijalnom štetom), van naselja 354 nezgode (dvije sa poginulim, 32 sa povrijeđenim licima i 320 sa materijalnom štetom).

Registrovane su 1.453 saobraćajne nezgode na raskrsnicama u naselju, 79 na raskrsnicama van naselja, 14 na pješačkom prelazu, 10 na nadvožnjaku, četiri na mostu, jedna na prelazu preko željezničke pruge i 4.021 saobraćajna nezgoda čije se karakteristike puta ubrajaju u kategoriju ostalih.

Uporedni pokazatelji saobraćajnih nezgoda i posljedica na području Kantona Sarajevo
Januar-Juni 2016./2015. godina

	2016.	2015.	+, -, %
UKUPNO SAOBRAĆAJNIH NEZGODA	5.582	5.427	+ 155 ili 2,8 %
Saobraćajne nezgode sa nastradalim licima	421	411	+ 10 ili 2,4 %
Saobraćajne nezgode sa materijalnom štetom	5.161	5.016	+ 145 ili 2,9 %
POGINULO LICA	10	7	+ 3 ili 42,8 %
- vozači	5	3	+ 2 ili 66,7 %
- putnici	0	0	-----
- pješaci	5	4	+ 1 ili 25 %
POVRIJEĐENO LICA	593	554	+ 39 ili 7 %
- vozači	274	232	+ 42 ili 18,1 %
- putnici	187	187	isto
- pješaci	132	135	- 3 ili 2,2 %

Starosna struktura lica povrijeđenih u saobraćajnim nezgodama je sljedeća: od 31 do 40 godina – 116 lica, od 51 do 65 godina – 87 lica, od 25 do 30 godina – 86 lica, od 21 do 24 godine – 82 lica, od 41 do 50 godina – 80 lica, itd.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju ostalih – 4.640 (osam lica poginulo i 367 povrijeđeno), neprilagođena brzina- 865 (jedno lice poginulo i 203 lica povrijeđena), uticaj alkohola – 63 (jedno lice poginulo, 19 lica povrijeđeno), uticaj opojnih droga – dvije (četiri lica povrijeđena), klizav put – 12 (bez nastradalih lica).

Evidentirane su 32 saobraćajne nezgode (sedam više) u kojima su učestvovali pripadnici MUP-a (29 nezgoda u kojima su učestvovali pripadnici MUP-a Kantona Sarajevo i tri nezgode u kojima su učestvovali pripadnici FMUP-a). U navedenim saobraćajnim nezgodama nije bilo nastradalih lica.

Evidentirane su 194 saobraćajne nezgode (pet manje) u kojima su učestvovali inostrani vozači i 27 saobraćajnih nezgoda (šest više), u kojima su učestvovala vozila međunarodnih organizacija (bez nastradalih lica).

AKTIVNOSTI SLUŽBENIKA POLICIJE IZ OBLASTI SIGURNOSTI SAOBRAĆAJA

U sklopu redovnih aktivnosti, službenici policije su kontrolisali ukupno 139.398 vozila (15.546 više).

Zbog tehničke neispravnosti, iz saobraćaja su isključena 474 vozila (48 više), 2.346 vozača je zatečeno da upravljaju vozilom pod dejstvom alkohola (305 više), 3.522 bez korištenja sigurnosnog pojasa (260 više), 1.719 bez položenog vozačkog ispita (395 više), a 1.598 vozača je učestvovalo u saobraćaju bez važeće registracije (464 više).

Zbog kršenja propisa iz oblasti sigurnosti saobraćaja uručena su 117.003 prekršajna naloga vozačima (20.722 više), podnesena 333 zahtjeva za pokretanje prekršajnog postupka (28 manje) i registrovana 44 krivična djela zbog ugrožavanja sigurnosti javnog prometa (šest manje).

MIRUJUĆI SAOBRAĆAJ I KONTROLA PJEŠAKA

Tokom perioda januar – juni 2016. godine, pripadnici Uprave policije su uručili 51.095 prekršajnih naloga vozačima koji nisu poštivali saobraćajne propise prilikom parkiranja (10.460 više u odnosu na isti period prošle godine), upozorili 2.789 vozača (454 više), a specijalnim

vozilom „pauk“ su premjestili 1.229 vozila (132 manje). Zahtjeva za pokretanje prekršajnog postupka nije bilo.

URUČENI PREKRŠAJNI NALOZI ZA NEPROPISNO PARKIRANJE PO OPĆINAMA

Zbog nedozvoljenog parkiranja, najveći broj prekršajnih naloga uručen je na području općine Centar –17.171, zatim: Novog Sarajeva –11.503, Starog Grada-7.977, Novog Grada – 4.159, Iliđe –3.061, Hadžića – 881, Vogošće – 740, Ilijaša –224.

Službenici Jedinice za saobraćaj uručili su 5.379 prekršajnih naloga vozačima.

Takođe, pješacima koji su kršili propise uručeno je 2.685 prekršajnih naloga (2.004 više), a upozoreno je 996 pješaka (362 više).

ZAKONITOST U RADU

Tokom prvog polugodišta 2016. godine, registrovano je 15 napada na policijske službenike (sedam više): Druga PU - šest, Četvrta PU – četiri, Prva PU – tri, Treća PU – jedan i Peta PU – jedan napad. U napadima je učestvovalo 20 punoljetnih lica koja su lišena slobode.

Službenici policije su tokom izvještajnog perioda 30 puta opravdano upotrijebili silu (17 više) i to:

fizičku snagu i sredstva za vezivanje – 26 puta

vatreno oružje – četiri puta

Tokom prvog polugodišta 2016. godine, razmatrano je 136 predstavki, među kojima je za 54 predstavke (10 više) data saglasnost za sprovođenje unutrašnjih istraga, za 79 predstavki je donesen zaključak da su neosnovane, u dva slučaja stranka je odustala od žalbe, dok je u jednom slučaju dostavljena obavijest policijskoj upravi.

Postupano je po 16 predstavki iz ranijeg perioda tako da je vođeno ukupno 70 predstavki (osam manje). Okončane su 62 predstavke, među kojima je 30 bilo bez dovoljno dokaza, 12 je osnovanih, 11 neosnovanih, u osam slučajeva stranka je odustala od žalbe, dok je u jednom slučaju istraga oslobađajuća.

AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE

U prvom polugodištu 2016. godine evidentirano je 40 djela koja su regulisana Zakonom o nabavljanju, držanju i nošenju oružja i municije (13 manje), počinjenih od strane 45 izvršilaca, od kojih je 18 lišeno slobode.

Od strane Policijskih uprava fizičkim licima izdato je 576 odobrenja za nabavku vatrenog oružja (14 više) i 665 oružnih listova (159 manje).

Takođe, u sklopu aktivnosti na oduzimanju nelegalno posjedovanog oružja i drugih predmeta oduzeto je: 27 pištolja, 11 pušaka, dvije "eksplozivne naprave", 173 „noža, mača, sablji i sl.“, četiri ručne bombe, tri boksera, 1.993 kom. municije različitog kalibra, itd.

6. RAD POLICIJE U ZAJEDNICI

U okviru Rada policije u zajednici u periodu Januar-Juni 2016. godine ove godine obavljane su brojne aktivnosti sa ciljem što efikasnije povezanosti i partnerstva policije i zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast, sagledavano stanje u oblasti rada policije u zajednici u

funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci daljeg rada u ovoj oblasti.

Između niza aktivnosti koje su provođene u cilju što uspješnije realizacije Rada policije u zajednici i unapređenja saradnje sa društvenom zajednicom u proteklom periodu izdvajamo sljedeće:

- Nastavljene su aktivnosti u sklopu realizacije aktivnosti iz „Akcijskog plana za prevenciju maloljetničkog prijestupništva i rad sa maloljetnicima u sukobu sa zakonom 2014-2016.“ pri čemu su realizovane sljedeće aktivnosti:
 - sačinjen prijedlog projekta "Stop vršnjačkom nasilju" - Šta da radim?
 - sačinjeni prijedlozi, primjedbe i sugestije na Dopunu "Akcijskog plana za prevenciju maloljetničkog prijestupništva i rad sa maloljetnicima u sukobu sa zakonom 2014-2016.“,
 - sačinjen spisak RPZ projekata prevencije međuvršnjačkog nasilja;
- U periodu od 03. do 06. juna ove godine održan je 13. Kid's Festival na kojem su između ostalog održani programi radionica usmjereni ka prevenciji vršnjačkog nasilja i važnosti inkluzije djece sa poteškoćama u razvoju, zatim upoznavanje djece i roditelja sa opasnostima od internet kriminala, neeksplozivnih ubojitih sredstava, te rizičnom ponašanju učesnika u saobraćaju, itd.
- Nastavljene su aktivnosti u saradnji sa „Sarajevskim otvorenim centrom“ na provođenju projekta „Coming out! Zagovaranje i zaštita prava LGBT osoba“; u organizaciji i pod pokroviteljstvom kancelarije Evropske komisije u BiH održana je konferencija pod nazivom "Vrijeme je za zajednicu života parova istog spola u BiH", na kojoj su prisustvovali policijski službenici koji koordiniraju i prate oblast rada policije u zajednici;
- Pripremljena je Informacija za Instituciju Ombudsmena za ljudska prava BiH u cilju izrade Specijalnog izvještaja o pravima LGBT osoba u BiH, a u skladu sa Zaključkom Parlamentarne skupštine BiH;

Odjeljenje putnih isprava

U izvještajnom periodu ukupno je izdato 44289 pasoša.

(30,4% više u odnosu na period 6 mjeseci 2015. godine kada je izdato 33972 pasoša)

Zaprimljeni zahtjevi za izdavanje dokumenata

- Lične karte 17340

(33% manje u odnosu na period januar-juni 2015. godine - zaprimljeno 25899 zahtjeva)

- Vozačke dozvole 12940

(30% manje u odnosu na period januar-juni 2015. godine - zaprimljeno 18528 zahtjeva)

Odjeljenje za odnose sa javnošću MUP-a Kantona Sarajevo